



## Terenga 5: Hōtaka 25 – Te Kīanga ‘Me kī’

### He Mihi

Tini whetū ki te rangi, ko ngā reo ki te whenua. Kei tēnā iwi tōna anō reo, kei tēnā anō iwi tāna anō tangi. Ko te māngari o tātou, o te Māori, ahakoa ngā roherohenga ā-iwi, ā-hapū rānei, i mārama tonu ō tātou tūpuna ki a rātou anō. Kei ngā kanohi ora o rātou mā, nau mai ki te hōtaka o Ako e whai wā ai tātou ki te wānanga i ngā momo o tō tātou reo ātaahua rirerire nei, o te reo Māori.

### Hei Mahi Whakarongo

Nā Raukatauri ngā hōtaka nei i whakaputa, nō reira me mihi rātou ka tika, i te ātaahua o ngā kōrero kua hopukina hei painga mō tātou, mō ngā tauira reo Māori o te motu.

### Anei ngā pātai hei whakautu mā koutou:

- 1) Ko wai te 'atua', ko wai te 'tangata'?
- 2) He aha te akoranga kei roto i tēnei whakataukī?
- 3) He aha i pēnā ai tā te koroua whiu i te kōrero nei?

Ānō he kēkerematua e kō nei i te ata. Kia whakarongo ake tātou ki te arero mīere nō roto o Ngāti Kōura, o Tūhoe, ki a Wharehuia Milroy.

### He Whakamārama

E rua ngā whakamahinga o te kīanga tūhono whakaaro e tirohia ana i te rā nei. Tirohia ngā tauira e whai ake nei:

1. *he whakapae kei roto i te whakaaro*  
**Me kī**, tekau tau tōna pakeke.
2. *e hiahia ana koe ki te whakatakoto i ō whakaaro*  
**Me kī**, ko rāua aku mātua.

### Kia tūpatō!

Ehara tēnei i te kīanga whakakīkī i te wā, pēnei i te 'um' o te reo Pākehā.

### He Mahi Ī-papa

Whakamāoritia ngā rerenga kōrero

Let's say, he's the older sibling

### Hei Mahi

Whiriwhirihia ko tēhea te whakamahinga o runga ake nei e hāngai ana ki ia rerenga:

1. **Me kī**, i tīmata i te tīmatanga o tērā rautau.
2. **Me kī**, koirā taku papakāinga ahakoa i whānau au i tāwāhi.
3. **Me kī**, nō tāua te waka rā.
4. **Me kī**, nō tātou tēnei reo rangatira.
5. **Me kī**, e rua rau ka tae mai ki te hākari.

### Whakautu:

Mahi Īpapa: Me kī, ko ia te tuakana.

1. 1    2. 2    3. 2    4. 2    5. 1